



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCCXXXVI. De Depopulatione Revaliae terrae Regis Daciae.

urn:nbn:de:hbz:466:1-11850

CAP. CCCXXXVI.

De

*Adventu peregrinorum, & intenso
frigore,*

Anno Domini MCCCXXIII. Dominus de (a) Cimeberg & Dominus de Egerberg cum multis Nobilibus de Bohemia & Reno fuerunt in terra Pruschia. In hac hyeme intensissimum fuit gelu, sic quod quasi omnes arbores fructiferae in partibus Livoniae & Pruschiae, aut omnino aruerunt, vel infra multos annos vires pristinas resumere non valebant. Unde licet exercitus magnus, a fratribus congregatus venisset ferè ad medium viae inter Lethovviam & Pruschiam; tamen ultra procedere non valebant, quia pra nimio frigore communis populus periisset.

ANIMADVERSIO.

(a) Elbingensis Codex habet Cuncenberg, Kojalovvicz verò & Strykovsky Kumererg.

CAP. CCCXXXVI.

De

*Depopulatione Revaliae terrae Regis
Daciae.*

Eodem tempore David Castellanus de Gartha cum exercitu Lethovviorum intravit (a) Revaliam terram Regis (b) Daciae, & praeter alia infinita damna, quibus oppressit dictam terram, incendio & rapina, ultra quinque millia hominum Christianorum Nobilium, Matronarum, virginum & aliorum promiscui sexus cepit & interfecit. Sacerdotes etiam plures seculares, & religiosos occidit. Sacramenta, Ecclesias, vestes sacras & vasa

vasa altaris, & quicquid ad Divinum cultum spectabat, inhumane polluit & concremavit.

ANIMADVERSIONES

(a) Æsthoniam Livoniæ Provinciæ jam ante Christianorum ingressum regno Daniæ fuisse subjectam à Canuto Rege, tradit Joannes Isacius Pontanus *l. VI. Rerum Danicar. ad An. 1196. pag. 290.* Alii hoc tribuunt Canuti fratri Waldemaro II. qui etiam Revaliâ conditâ Episcopatum ibidem constituit, Londensique Archiepiscopo ut Metropolitanò subjecit. Pont. *Lib. VI. ad an. 1218. fol. 307. & ad annum 1234. f. 318.* Posthæc Fratres Ensisiferi omnibus viribus eò nitebantur, ut sibi Æsthoniam subjicerent. Jamque Revaliam expugnaverant; eam tamen dein auctoritate Legati Pontificii compulsi Danis reddiderunt. Th. Waisselius *in Chron. Pruss. & Livon. fol. 61. (b).* Non cessarunt verò & postea Cruciferi Revaliensibus infidias struere. Unde Æsthoniæ Nobilitas extorsit à Christophoro II. Rege literas, quibus Rex promittit, se nunquam Æsthoniam à Regno Daniæ vel venditione, vel alio modo, separaturum, quas literas exhibet Pontanus *lib. VII. pag. 450.* Contra hæc tamen pacta & Contra Æsthonum jusjurandum, quo illi nunquam se à Regno Daniæ recessuros promittebant, vendidit Waldemarus III. Christophori filius Æsthoniam Henrico Dushero Mag. Ord. Generali An. 1346. acceptis 18000. (19000.) argenti Marcis. Pontanus *l. VII. f. 475.* Conf. Balthasar Rustovv *in Chron. Livon. part. II. fol. 39. b.* Quamvis autem Æsthonia fuerit Cruciferis subjecta, Episcopus tamen Revaliensis Archiepiscopum Londensum agnovit Metropolitanum, quod de suo adhuc tempore testatur Alb. Cranz. *lib. VI. Wandal. cap. XI.*

(b) Per Daciam eorum temporum Scriptores intelligunt Daniam.

CAP. CCCXXXVII.

De

De Destructione Civitatis Memelæ & plurimum Castrorum.

Ddd 2

Hoc